

Lingua napolitana

Na Galipedia, a Wikipedia en galego.

O **napolitano**^[1] (*napulitano*) é a lingua romance falada en Campania e varias rexións veciñas do sur de Italia (Abruzos, Basilicata, Calabria, Lacio, Molise e Puglia) por máis de 7,8 millóns de persoas. Como todas as linguas romances, o napolitano deriva do latín, mais ten influencia española, francesa e normanda. En Italia considérase parte do dialecto meridional do italiano e non unha lingua independente.

Índice

Distribución

Características

Notas

Véxase tamén

Outros artigos

Ligazóns externas

Distribución

Os dialectos napolitanos distribúense na maior parte continental do sur de Italia, historicamente unido durante o Reino de Nápoles e o Reino das Dúas Sicilias. Os abondosos dialectos deste grupo lingüístico inclúen o *napolitano*, *irpino*, *cilentano*, *ascolano*, *teramano*, *abruzzese oriental adriatico*, *abruzzese occidentale*, *molisano*, *dauno-appenninico*, *garganico*, *apulo-barese*, *lucano* e *cosentino*.

Os dialectos son parte dun forte e variado continuo dialectal, polo que os distintos dialectos no sur do Lazio, Marche, Abruzzo, Molise, Puglia, Lucania e Calabria normalmente se poden recoñecer como grupos de dialectos rexionais. No Abruzzo oriental e Lazio os dialectos dan paso aos dialectos italianos centrais como o romanesco, ao sur na Calabria central e no sur de Puglia os dialectos dan paso á lingua siciliana. En gran parte debido á masiva inmigración do sur de Italia no século

Napolitano Napulitano

Falado en:	 <u>Italia</u>
Rexións:	<u>Abruzos</u> , <u>Basilicata</u> , <u>Calabria</u> , <u>Campania</u> , <u>Lacio</u> , <u>Molise</u> e <u>Puglia</u>
Total de falantes:	7,8 millóns
Familia:	<u>Indoeuropeo</u> <div><u>Itálico</u><div><u>Románico</u><div><u>Románico oriental</u><div><u>Italo-románico</u><div>Napolitano</div></div></div></div></div>
Lingua oficial de:	<i>En ningún país</i>
Regulado por:	<i>Non está regulado</i>

Códigos de lingua

ISO 639-1:	--
ISO 639-2:	nap
ISO 639-3:	nap (<u>http://www.sil.org/iso639-3/documentation.asp?id=nap</u>)
SIL:	NPL

XX, hai tamén o número de falantes na diáspora italiana nas súas comunidades de Estados Unidos, Canadá, Australia, Brasil, Arxentina e Venezuela.

O napolitano ten tamén unha significativa influencia no sotaque do castelán rioplatense, falado maioritariamente na rexión arxentina de Buenos Aires.^[2]


Características

O napolitano é xeralmente considerado como unha lingua italo-románica. Aínda que existen diferenzas notables entre os diversos dialectos todos eles son polo xeral mutuamente intelixibles. Probablemente debido a isto varée tanto o número calculado de falantes^[3]. A linguaxe no seu conxunto a miúdo foi vítima da súa situación como unha "linguaxe sen prestixio". O italiano estándar e o napolitano teñen unha comprensión variable, que depende tanto de factores afectivos como lingüísticos. Existen notables diferenzas gramaticais como os substantivos en forma neutra ou a formación do plural única. A súa evolución foi similar á do italiano e outras linguas romances das súas raíces do latín falado.

O napolitano gozou dunha rica historia literaria, musical e teatral (entre os que destacan Giambattista Basile, Eduardo de Filippo, Salvatore di Giacomo ou Totò). Ademais grazas a este patrimonio e á obra musical de Renato Carosone na década de 1950, o napolitano está aínda en uso na música popular, incluso gañando renome nacional nas cancións de Pino Daniele e da Nuova Compagnia di Canto Popolare. Son famosos cancións napolitanas 'O surdato 'nnammurato', 'O Sole mio' e 'Funiculì, funiculà'.

O idioma non ten carácter oficial en Italia e non se ensina nas escolas. A Universidade Federico II de Nápoles ofrece (dende 2003) cursos de dialectoloxía da Campania na Facultade de Socioloxía, cuxo obxectivo real non é ensinar aos estudantes a falar a lingua, senón o estudo da súa historia, o seu uso, a literatura e a súa función social. Tamén hai en curso intentos lexislativos a nivel nacional para que se lle recoñeza como idioma oficial minoritario de Italia.

A continuación reproducéase o Noso Pai na lingua napolitana falado en Nápoles e nun dialecto do norte de Calabria, en contraste cunha variedade de Calabria, o siciliano, italiano e galego.



Napolitano (Nápoles)	Napolitano (Calabrés)	Siciliano	Italiano	Galego
Pate nuoste ca staje 'ncielo,	Patre nuorru chi sta ntru cielu,	Nunnu nostru, ca inta lu celu siti	Padre Nostro, che sei nei cieli,	Noso Pai que estás no ceo:
santificammo 'o nomme tuojo	chi sia santificatu u nume tuoio,	mu santificatu esti lu nomu vostru:	sia santificato il tuo nome.	santificado sexa o teu nome,
faje vení 'o regno tuojo,	venisse u riegnu tuoio,	Mu veni lu regnu vostru.	Venga il tuo regno,	veña a nós o teu reino
sempe c' 'a vuluntà toja,	se facisse a vuluntà tuoia,	Mu si faci la voluntati vostra	sia fatta la tua volontà,	e fágase a túa vontade
accussí 'ncielo e 'nterra.	sia nto cielu ca nterra.	comu esti inta lu celu, accussì incapu la terra	come in cielo, così in terra.	aquí na terra coma no ceo.
Fance avé 'o ppane tutt' 'e juorne	Ranne oje u pane nuorro e tutti i juorni,	Dunàtini ogghi lu nostru panuzzu.	Dacci oggi il nostro pane quotidiano,	O noso pan de cada día dánolo hoxe;
lièvvace 'e dièbbete	perdunacce i rebita nuorri,	E pirdunàtini li nostri débbiti,	e rimetti a noi i nostri debiti,	e perdóano-las nosas ofensas
comme nuje 'e llevamme a ll'ate,	cumu nue perdunammu i rebituri nuorri.	comu nuautri li pirdunamu a li nostri dibbitura.	come noi li rimettiamo ai nostri debitori.	como tamén perdoamos nós a quen nos ten ofendido;
nun 'nce fa spantecà,	Un ce mannare ntra tentazione,	E nun lassàtini cascari inta la tintazziuni;	E non ci indurre in tentazione,	e non nos deixes caer na tentación,
e llievace 'o mmale 'a tuorno.	ma liberacce e ru male.	ma scanzàtini di lu mali.	ma liberaci dal male.	mais líbranos do mal.
Ammèn.	Ammèn.	Ammèn.	Amen.	Amen.

Notas

- Definicións no *Diccionario da Real Academia Galega* (<http://academia.gal/diccionario/-/termo/busca/napolitano>) e no *Portal das Palabras* (<http://portaldaspalabras.gal/diccionario/procura/napolitano>) para *napolitano*.
- Convergence and intonation: historical evidence from Buenos Aires Spanish (<http://journals.cambridge.org/action/displayAbstract;jsessionid=43F6CF4CEB6223AA2ED40C7926999F70.tomcat1?fromPage=online&aid=236145>)
- Moitas wikipedias dan ese dato de 7,8 millóns de falantes (a catalá, a éuscara, a neerlandesa, a portuguesa, a rusa) aínda que outras varían nun abano entre 5,8 (a inglesa, a francesa, a italiana) e 11 (a castelá)

Véxase tamén

Outros artigos

- Lingua siciliana



Existe unha versión da Wikipedia en ***Lingua napolitana***

Ligazóns externas

- [Napolitano en Ethnologue \(http://www.ethnologue.com/show_language.asp?code=nap\)](http://www.ethnologue.com/show_language.asp?code=nap)
 - [Tradución online inglés-napolitano \(http://www.napoletano.info/inglese-napoletano.asp\)](http://www.napoletano.info/inglese-napoletano.asp)
 - [Dicionario online inglés-napolitano \(https://web.archive.org/web/20080621074948/http://www.websters-online-dictionary.org/translation/Neapolitan/\)](https://web.archive.org/web/20080621074948/http://www.websters-online-dictionary.org/translation/Neapolitan/)
 - [Radio en napolitano \(http://www.sorrentoradio.com/\)](http://www.sorrentoradio.com/)
-

Traído desde "https://gl.wikipedia.org/w/index.php?title=Lingua_napolitana&oldid=5142459"

A última edición desta páxina foi o 8 de maio de 2019 ás 20:55.

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.